

~~114~~
TV/381a

TV/381a

Paulus

Museum





N^o

~~114~~ 381a

der

Stadt Worms.





Ein schöner Dialogus / von
Martino Luther / vñ der geschickte Bot-
schafft auß der Helle die falsche gayst-
ligkeit vñd das wort Gots belan-
gen / ganz hüpsch zu lesen.

Anno. M D XXXij.



Werck auff jr Gaiſtlichen allgeleych
wie der Teufel alhie auß ſtreycht ſein reyck
Welchs jr im ornieret mancher geſtalt
mit kurtten vnd wercken manigfalt.
Ir ſeind die lieben kynder ſeyn.
Ewer leben geet vnder falſchem ſcheyn.
Damit jr vns lang zeit betrogen habe
als vns der from Luther ſagt.
Halt feſt Martine du vil edler knecht
ſag vns dieſchriſt on gaiſtlich recht
Wie du dan dem Teufel thüſt
an der gſchriſt wilt du haben kein wüſt
Als vns das new teſtament bedeuten wil
gaiſtlicher ſtand wend ab in ſtill
Glaub dem Euangelio on menſchen hande
jr ſecht eure werck ſeind gepfandt.
Von Chriſto dem ewigen frommen got.
der vns von eurmgleyſſen erlöſt hat.
Als vns Martinus anzaigung gnüg bringe
eur ſcheinen iſt zum Teufel geſend.

Vnderredner der teufel vnd Martinus.

Die gang samlung der hellyschen pforten ha-
ben sich zusamen gefügt / vnd die auffvür so
Martinus Luther vonn wegen Göttliches
wort erregt / in bedencken genomen / auff dz
sy solchs möchten geweren / wann jnen mercklych ver-
derben darauß kumpt / vnd seynd eynß worden jren ge-
schickten zu Martino zuschicken / jr grosses anlygen an
in zu werben. Nun kumpt der gesandt eynß Predyger
Münchs gestalt / gegn Witemberg für Martinus kün-
mer vnd klopfte an. Martinus kumpt / macht im auff
empfach in mit dem hailigen gruß / der ewyg gott geb
mir vnd dir sein gnad / frid / freud / vñ ein war erleucht-
nus in Christo Jesu vnserm heren / Roman .j. vnd .ij.
Timoth .j. 2c. Von wannen kumpstu / was ist deyn ge-
werb. Der Teufel erschrickt daz er in also mit götlichem
gruß empfach / vnd spricht / danck hab lyeber Marty-
ne / ich hab manche steyg durch gāgen ee ich zu dir kom-
men bin / mein anlygen kurtz an dich zubringen / darann
mir vnd meinen brüdern vil gelegn ist / das glawb myr
sicherlich / Byn auch von ferns heer / vnd hab eyn grosse
werbung an dich zū thun / wie du noch hören solt / wann
du müßyg werest / so wolt ich dir ein wenig sagen / was
mein mainung wer / was machstu gūts. Martinus.
Was solt ich machen / ich syz allhye vnd benye mych
das alt Testament / welchs jr gaislichen eyn verfürüg
haist / den armen Layen wöllent zu teutsch / damit sy
sich vor dem Bāpfllichen widerchuffe / falschen prophe-
ten vnd saur taig / die vns das alt vnd new Testament

gar mit menschen opinion versalzen/hütten möchten
wie vns Christus leret Math. xvj. Marci viij. Luce. xij
Teufel. Ist recht lieber Martine/du kumpst gleich
auff mein maynig/wir wellen ainander das gast hüt
lin abziehen/ vnd vor einander nit forcht tragen/wan
ich dich hefftig antasten werd/ich kan nit lenger schwey
gen. Marti. Im fryde Gottes laß herwyschen/ich
merck wol/du wüirdest ein bapfflicher bote sein. Teufel
Du wüirdest es wol hören mit der zeit. Ich glaub Mar
tine das du der falsch Prophet vnd widerchrist seycst/
darnon du yezund sagst. Marti. Wye kam das.
Teufel. Also/das du die ganz welt myr zancf vnd
hader beladen thüir/bingst einen newen glauben auff
verwüirffst aller väter Concilia/instituciones/ler/vnd
ordnung/wilt allain recht haben/der Teufel/ohaylig
vater der Bapff/die Bischoff/Kayser/Fürsten noch
herren/kan dich von deynem fürnemen bringen/es wil
kein ermanung helffen/du byst der ander Pharao/vn
der recht Balaam/wie dich Lmsen nennet/du glaubst
nit (er sagt der gekreuzigt) du sibest dan zaichen/du bist
fürwar der recht ergreger vnd feind aller Römer/vnd
geistlychen. Mar. Ich mayn du habst mich troffen
vn mir meinen Tittel gar geben/haw fluck's dreyn/ich
wil dir wol wider Begegen/vnnd leyden vmb Chrystus
will/meynes person halben hat es kein not/du kannst
mirs so saur nit machen/ich hab's seurer geessen. Aber
gödelichs wort/das will ich so ferz mir got gnad gibt mit
hand vnd mund verfechten. Ich lyesh mich wol duncfñ
du werst ein solcher subtiler bot/du solt mir auch anzey
gē du arger sophist/wamit ich vnrecht gethon. Du thü
est als mein vngünstyg herren nechst zu Wurmb's. Ob
ich gleich wider den Bapff vnd die Väter gethon/vnd

im sein Euangelisten geschmecht/ ligt nit macht dran/
der Bapst ist ein mensch/ das weyst du wol/ Das du myr
schuld gibst/ ich mach vil gezenck in der Cristenhait mit
meynem schreyben/ Ist recht/ Got wylß also habñ/wa
görllich wort soll regyern/vnnd in vns wonen/ da muß
ein tail bey Christo/ ein teyl bey dem Bapst sten. Er ist
kommen ein fewer anzügünden/ das alle freündschafft
wider einander sein sol. Math. v. Luce. xij. Das ich von
wegen meins gots predig/ ist nit mein/ es ist vor auch al
so zügängen/ den glaubñ den ich leere/ haben die Apo
stel/ auch Chriß selber gelert/ davon gnügsam im Euā
gelio syndest. Ich will nit mein sonder Christi wort pre
digen. Er soll mein gezeug seyn/ wie Paulus zñ Rö
mern. j. vnd. j. Corinth. j. Wa ich nun Väter vnd Con
cilia die wider Got geschriben/ als auch ertlich gethon/
synde/ das wil ich nit leyden/ gepürt mir auch nitt/ dan
wer wider got ist/ der ist nit mit got/ dem selben soll mā
wören/vnnd das nit annemen. Matthei. xij. Ja wanß
gleich ein Engel vom himel/ od Paulus wer/ wie mych
Paulus lert zñ Gall. j. Väter hin/väter heer/ Augu
stinus hie/ Ambrosius dort. Ich hab einenn Gott/ des
wort seind mir klar/ ja werden besteen für teufel/ sünde
rod vnd hell. Ja wol du sagst recht/ ich bin ein Pharao
fürwar ich bin bissher/ aber ich nit/ sonnder Christus in
mir/ den gaystlichen ein rechtter Pharao/ im Kasten/
gelt/ Kuchen vnd Keller gewesen. Ja Got gibt denen die
im glauben/ ein solchs hern/ das dannocht vil stercker
vñ hertter in gottes gnade stet/ dan Pharaoni hern wi
der got stünd/ also ist got ein hern/ Aber jr grossen blat
ten trager/ hast gar kein verstand in der gnad/ 8 zigen
Bock Emser zñ Diefen/ redt von 8 schryfft wie ein blyn
der von der farb/ auf der hohē schülen zñ Pariß hat er

Die subtilitet gelernt / ja fürwar er ist der recht blinde sü-
rer vñ werckheilig. Marci. xvij. der allen seynen grund
allein auff sandt vnd gewis bawet / darumb sicht man
wie fein er vor götlichem wort vnd wasser gestaden ist /
gleych wie ein haß / so die hund hinder in kōmen. Er
schreybū ist nichts anders / den Concilia / cōcilia / Bapst
Bapst gewonheit / Ja der teufel / sein mütter. Man thut
allein wider den bapst / an den gedenckt man. Got gee-
den bapst vnd die gewonhait nit an / darumb gedencke
man sein nit / Wolan / es ist nun der tag aufgeprochen
die morgen rōtt scheynet. Rom. viij. Jacobi. ij. vñnd ist
dahin kōmen / das man euers gots / des Bapsts nit vyl
gedenckt / ja laßt in zu Rom syzen / vñ durre huzeln feil
haben / Got sey gelobt / du bist auch ein mal vnser gene-
diger vnd feind / vngnediger got worden. Nun gott ist
nit genüg / hab ich mich nit genüg sam erbottenn. Ich
wil mich noch von eynem armen sew hyrten mit klarer
schriffte weysen lassen / vnd so ich wurd über wunden / dz
ich wider got geschriben / so will ich mit götlicher gnadū
vom finsternus ins licht tretten. Wer sündigt sagt got
(Johan. iij.) der hast dz licht / Das habū vnser gais-
liche spitzfindige vnd weltweysen nit gethon / sy haben
klare schriffte gots gesücht / warumb / Ey got ist nit eyn
benteel vnd kassen füller / vnd also götlich licht (das er
selbs ist) gehast / vnd von dem licht inn die fynsternus
getredten / wiesich Christus beklagt. Joha. viij. vñ Jo-
han. iij. Mein volck hat meer die fynsternus dann das
licht geliebt. O Johannes wie durchsichtigseynd dey-
ne wort / wie hat man sy dir so grundelos gemacht. O
Paulle ein götlicher glauben verfechter / tritt her für mit
deinem schilt des glaubens. Ephe. vj. O Got inn ewy-
ger mayestat sihe auf / Bapsts mund / wil vns alle fres-

sen. Wolan dein gnad sey mit mir / du brüder solt vnd
würst mir ein anngenerer gast sein. Ich wyll dyr deyn
Elterisch Kappen seyn mit gölichem wort wäschen / dz
du deines geschreys wol vergessen solt / wa got anderst
wil / dan du gecken solt wie eyn Elster / vnd plerien wye
bock Lmsfer. Teufel Ich wilß gern hören / du wyld
mit ernst vñ der gschrift dran / Vergib mir meine hört-
te wort. Martine ich will dir wider vergeben / du thüß
dich gnügsam beweyßen / aber was man dir fürlegt / wilt
du nit annemen / darumb ist alles verloren. Mar.
Ja mit der schrift wil ich dran / schrift soll man fürle-
gen mit schrift / doch mit klarer schufft handeln vnd be-
weyßen / ich hab dir vor gesagt / taß mich so hart an als
du wild / ich wilß vmb Christus willen gern leyden / aber
Gölich wort das soltu nit schmehen / daz du mir für-
wirffst / ich well kain fürlegent so man mir bißher fürge
schlagen annemen. Ja ist war / mā hat mir aber gelegt
das wider meinen erlöser ist / darumb hab ich nit wel-
len annemen / ich binß auch noch nit willens / ee mein le-
ben drob verlassen / gots wort wellen nit vnder mensch-
licher gewalt ligē / wie man mir zu Wurms dennoch
annütten do:ßte. Mein liebē vngünstige herren / habe jr
nit gelesen das klain sprüchlin Pauli. ij. Timothei. ij.
Gottes wort ist vnuerbunden. Nun sag mir / wa mit ich
wider deinen orden gesündiget hab / ich wil dir antwurt
ren. Teufel. Ich will dirß bald anzeigen / warin
du wider vnsern orden gethon hast / ich wil dir aber vor
erlich ding fürhalten / damit ich meiner werbung eynen
güthen roum mach / vnd solt yetzund hören / was ich an
dir gebrechens hab. Marti. Nun sag heer du Ro-
manist / ich wyls gern hören vnd mich weyßen lassen.
Teufel Erstlich gefeldt mir das nit wol ann dir / den

Du sündigest dāmyt in got vñ den Bapst zu Rom/da du
den hailigen fromen vater den Bapst/ein Endrecht
nennest/vñ fürst die menschen dahin/dz niemant meer
auffir vnd seyn wort gibe/ja was geet mich der Bapst
ansagen sy. Nun bistu kein got/sonder eyn armer biß
der als ich/das du dem Bapst in seyn hertz sehen kanst/
ich glaub gantzlich du seyest der selbst. Paulus vnd Pe-
trus haben noch war gesagt. Thessa. ij. vnd. ij. Timot.
ij. vnd. ij. Petri. ij. Item. j. Timothei. iij. Es werden
falsche Propheten kommen/die da seynd störyg/hoch
müttig/geyzig. x. Nun bist du ja hochmüttig/störyg
vnd freuel/wilt dich von nyemant/weder von Bapst/
Bischoff/gaistlichen oder weltlichñ weysen lassen/wer
weyßt noch wer der frumbst ist. psalm. xliij. Wann soll
allain Gorein hertz richter lassen sein/wie du selbst be-
kennest/Die bistu in Gottes gewalt gefallen/darumb
hat dein red vom Bapst keinen verstand/ Ja deyn ge-
walt ist so groß worden/weliche Daniel am. viij. Vnd
am. xij. seyn außstreycht/das dir niemant widersteen
darff/du bist fürwar/meinß bedunckens/d sin der ver-
derbnus/dauon Paulus sagt. j. Timoch. ij. Ephe. v.
so sagt Ezechiel. viij. Es werden predyger komen/dye
werden euch lügen leren. x. Ist das alles nit von dir be-
schehen/werstu ein rechter Euangelier/so volgen dye
leut deiner leer/wer thut darnach/wa seind deine zeich-
en die du thust/fürestu nit die leut auff einandern weeg
vnd mainung/was sagstu hie zu. Mar. Es farde
schon herr domine/hab ich hie den Bapst Esel/vñ das
Kalb zu Langsburg ein wenig geschlagen. Nun got hab
ich im vnnrecht gethon/so gyb mir dein genad das ich
mer/wie heist nit mer thu/du sagst mir harte schweneß
ist aber nicht s dan menschlicher tandt. Ja ich byn des

gewiß vnd weiß die lieben zwölffspoten / Petrus / Pau-
lus / habn vnser geistlichen junctherren leben nit verges-
sen / für war vngeystlicher stand trucken dise wort myte
völlē geysern auß / ja auch darzü der prophete wort / es
seind die rechten widerchristen vnd seine botten / wie ich
das vor offtmals angezeigt / dabey laß ichs noch bley-
bē / da findestu gleich mein maynung. Ob ich d. Münch
bin dauon ist Prophecey worden / gib ich got anheim
Er verdam mich oder mach mich selig. Ich stee in sey-
ner gewalt vnd rüthen / die werck der boum weißts wol
auß / wa die widerchristen stecken. Matth. vij. Luce. vij.
Ich darff d. prophecey nicht / Christus hat mir warhaf-
tig prophecey vnd selbs erkläret / wie der widerchrist re-
gieren wirt. Du gibst mir schuld ich well mich nit weißē
lassen / vnnd zeuchst mir also fellschlych die sprüch Petri
Pauli / vnd der prophete auff den nackē / hastu vor wol
gehört / wie ich mich erbotten wa mā mir gots wort wil
tadeln / sol ich nit leiden / ee von einer stat in die andern
fliehē. Mat. x. Luce. x. Zaygst mir ja selzam schwenck
an / vnd richst ja all dein sachen zū krieg vnd entböung
mich von götliche wort zū schrecken. Neyn / das nyñ du
vnd dein Prelaten nit für. Es ist einander der das räd-
lin treibt / einē mēschen ist solchs nit möglich / den wider-
christen den Bapst zū verstören / ja gots mund müß es
thün vnd hats gethon. Daniel. viij. ij. Thessa. ij. On
hand wirt er gar zerstört werden / glaub mir der teufel
hat dē bratē des jars / lang zeit gerocht vnd geschmackt
darumb schart / bocht / wüt vnd tobt er / die mensche wi-
derspennig zū machē es hilfft nit / Bapst müd / Bischof
Paffen / Münch / alle widerchristē des Euāgeli städt n̄
gar vorforcht / sy wissen nit wa hyn auß / sy fürchten dz
wasser wel über tōß gon / jr hertz ist gantz traurig / forcht
sam / fürcht sich vor einē rauschēden blat. Le. xvj. jr boß

heit ist offenpar wordē/dz man in feind wirt/sagt Da-
uid/psal. xxxv. Sy fürchtē da kein forcht ist/psal. viij
Item Prover. xxvij. Sy flyehen/vnd nyemandt jagt
ly/also gets zū/got gib in ein solch hertz/wie. Deutero
xxvij. steet. Wan sy frū auffstē/so sagen sy/O wolde
gott ich überlebt den tag/des abents/wolt got ich über
lebt den morgen/Solch schrecknus gib die schrift jren
feinden/wolan/was solich vil darvon sagen. Es wirt
bald sein exspirant. Nun wolt ich auch gern vō dir hō-
ren/wie ich in götlich gewalt gefallen sey/darūb daz ich
den Bapst ein widerchristen Criski genant hab/got sol
vnser aller richter sein/sein gwalt wil ich im nit nemen.
Ja er wil sy im auch nit nemen lassen/warūb verführe
man den apffel/darūm das man wil sehē/ob er gutt ist/
vnd welcher boum der in getragū hat/auch gute frucht
trage. Mar. Es also seind die werck auch darūm
gebē/dz man den wircker erkenen sol/man hat jr werck
wolgesehē/vñsicht sy noch. Teufel. Du hast mych
gefragt/wamit du in die gwalt des creuzigten seyest ge-
fallen Mar. Ja. Teufel So antwurt ich dir/
also/Es ist verboten/man sol niemants vrtaylen vnd
richtē/Mat. vij. Luce. vj. vñ zūm Rōm. ij. Mart.
Es ist gar war/sagt aber Paul. j. Timot. v. vnd Chri-
stus Math. xvij. Man soll die sūnder straffen. zc. Ich
gib mich vor keinen richter der menschen auß/hab auch
kein gericht/wyls auch nit thūn. Aber wa ich syhe das
mein Brüder yret/ist mir erlaubt in von dem bösen weg
auf den guten zūweyssen/got hat mir nit verbotē wan
ich im glaub/meinen nechsten zū richten/an seynem bō-
sen leben/den hat ers verboten/die vnghaubig vñ selber
bōs sein/vñ wellen anndere/die vñlleicht zū from seyn/
richten mit jren werckē. Aber du lieber Bapst/ein Car-
dinalshūt od Vicarey het die sachen bald gericht/aber

dieweil ich Kains hab wellen nemen da hat es dreck ge-
regnet. Tu got hat einē bessern hüt/ich sey wer ich sey/
dz waist got wol/wir seyn alle kynder der verderbnus
also sagt David psal. lv. vnd psal. cxxv. In sünden hatt
mich mein müter empfangen vñ geporen/Kain gerecht-
tykeit ist in vns. Alles vnser thün steet in got/nyemant
darff mir volgen/Christus ist der/dem man volgen sol
ob ich gleich nit vil zaichen gethon/noch thū/leydt nytte
macht dian/mandarff Kainer zaichn yezūd/so es aber
vōnöden/möchte ein baur so bald zaichen thū/alls der
Bapst. Ich syhe von grund meines hertzen geren/das
die Baur/Burger/Edelleut/Pfaffen vnd Münch/
eins teils nycht auff bapstlich maledeyen vnd schwer
mendelingebū /jr rumpel ist zū Bodn gangē/alle jr tück-
vnd falsche leer seind offenbar worden/vnser hertzen/
seind gar lang mit bapstlichen vergiften pfeilen durch
schossen gewest/die widerchristische werck/darmit man
in erkant hat/sein ganz an tag kōmen/daruon die pro-
phetē/ Euangelistē vnd apostel schreibū sy contra se hē
den Bapst recht ab/wie seyn in yederman Künig vnd
Fürsten/Kaiser vnd bischoff/haben müssen vnderthā-
nig sein/wie Pet. schreibt. ij. Petri. ij. Ich will hie den
Bapst nit richtē/sond das der schrift Befelhen/er darf
Kains richters/er richt sich selber. wann ich den Bapst
mer den Got feyren solt/wer ich nit würdig Christi apo-
stel genant zū werden/ß Bapst hat ein sunderlichē gla-
ben/so hat Got ð himlich vater auch ein sonderlychen
der war vñ gerecht ist/bapsts glaub/steet in dē Bapsta
hüt in ceremoniē/ablas/fasten/seyren/glochē/reichē/
orglē/vil höres singen/lang Preim/Tertz/Sezt/Non
halten. ꝛc. Gotes glaub ist wider den/ß ist allain in got
vnd in Kain creatur noch werck gericht/dz ich mych gar
auf in ergeb/mit allē meinē vermügē/der glaub lygt mit

daran/dzich glaub er sey den frummen ein Christus/son
der ich müß glaubē/das er mir ein Christus sey/vñ mir
kōmen sey. Vnd den verlaugnen die Bischoff/Wūndch
vnd Pfaffen/wie Pet. ij. Per. ij. Sy seynnd lesterer des
glaubens. 2c. Nun syhe bin ich Gott nit meer schuldyg
den den menschen gehorsam zū seyn. Actum. v. Teufel.
Ja das ist war. Mar. Ey so sollen wir got
annemen/vnd menschen tand lassen faren. Pau. lern
vns. j. Cor. iij. Wir sollen allain auff das gelegt funda-
ment Christi truzen vñ bawen. Teuffel. Das gyb
ich dir zū das er jren kan/aber du solst dennocht seyner
hailigkeit verschont haben. Marti. Gybst du dich
da gefangē/hat man doch im decret/er künde nicht jr-
ren/Das ich aber sein verschont solt haben/kan vnd
darff ichs nit thū/Got hat jr nit geschont/warūb solt
ich im sein wort felschen. Teuffel. Du solt die ober-
keit eren/Aber du hast yezund in einē büchlin die ober-
keit gar versprochen/würst dir die fürst sein auf den halß
laden/es geet bereit crucifige über dich/du maynst weñ
du hetst ein Bapst hütlin genomen/du stündest wol
Marti. Ja warlich aber Bapstshüt erbt nit/got sey
gelobt/vnd höre es gern/das man crucifige über mych
schreyt/ O selig wer der mēsch/welcher das crucifige vō
wegen gotes wort auff seinē halß trüg/vnd dem got ge-
dult geb/wir leidn angst vñ not/vderbē/nit sagt Pau-
lus. j. Corint. iij. Will ich ain bort Christi seyn/so müß
mein leer in dē schwancf geen/dz mir yderman/ja auch
tod/teuffel/helle/vnd sünd feind sey/anders got ist nit
in mir/gegen den Tirannen/müß man alwegē mit ge-
dult handeln/aber doch einen stōrigen glauben behal-
ten. Nun sichstu wie des Bapsts mund mit gödelichē ri-
gel verschoben ist/da synden sy jrē lon/wie sy die armen
leit versürt/traurig vndzweyfelhaffrige gewissen gegē

got gemacht. Wainstu das der arme mann das nit zu
herze nimpt/sy habes alzu grob gemacht schlechts gib
gib/gib mir gelt/ich wil dir ein stuck mit applas geben/
gib mir feygen/ich will dir Kossz feygen gebē/der Karst
vñ Regelhans die habñ das wol betrachtt. Man müß
zu zeyten ein feur anzündñ /vnd den wolff mit seynem
grossen creutz jagen/hastu hie mit die rechte Antichrist
lichen werck/dañ sy vns vom glawuben Christi zu dem
werck glaubē gefürt/yedermā felschlich mit der schrifft
ansich gezogen/ja got verleugnet/in nit erkandt/vnd
zu einē lugner gemacht/vñ auf ire werck die leut gefürt
wir wellen aber ire menschliche geltstrick zerreyssen/wie
Samsonseyne bandt zerreyß. Judicū. xv. In meynen
ausgangen büchern findestu gnüg darvon/es ist noch
nichts geweest/sy müssen annder laudeshören. Teufel.
Mich wundert das du noch lebst/die weil du yed
man so hart antastest. Marti. Ja es steet in Gots
gewalt/man müß ja der menschen nit schonen/sondē
leib vnd vns thün verdammen/das doch die selen erhal
ten werdē/wie Pau. lernt. j. Corin. v. Teüfel. Ich
laß mich duncken/du hast mir ein Eiterisch kappen ge
wäschen/küm herwider. Mar. Ja du thüst yezüd
wie all subtiler des Bapsts/die also nicks ands thün/
dan auß Christo ein spot mache/wolan ligt nicht dran/
got wirt eur/so die zeit kompt auch spotten/nach wyll
ich das mein darbey thün/das thū ain ander auch/ich
bin schuldig meinen nechsten zur seligkeit zu vnder wey
sen/vnd vom wyderchristen vnd seynē hauffen zu fürñ
ich kan solchs nit lenger dulde/es gee mir wie d lieb got
will. Teufel. Wolan du würsts noch wol synden
Mar. Ob got will/ich weiß in wol zu synden/Alu
sag fort mit deinen Romanistischen artickeln. Teu
fel. Zum andern so thüst du wider den Bapst vñ Cry
B ij

stum selbst/dz du allerlay güte werck/die man in kirchē
vnd anderßwa treibt verwürffst/vnd nennest sy teufel
lich/die doch die lieben vätter gestiftt habē/die müssen
nun dein narren seyn. Ja das grōßt/du sagst vnd wol
test das alle predig stül/Kirchen/Klöster/Capellē Ab
blas/kircher Blatten/Glocken vnnnd Orglen/im feuer
leg/vñ zū klein puluer gebrent wer/warüb wolstu das.

Mar. Ich wil dir das alles mit götlichē wortt seyn
vmbstossen/darüb wolt ich das alle die werck die du er
zelt hast im feur legen/das man darynn vertrauet hat
vñ noch vertraue/ja ist so hart darauf geplagt/dz mā
die leüt nie herab kan bringen/vnnnd also vil seelen mit
zūm teufel geführt wie vor gesagt. Aber es wer noch zeit
dz man auf hort. Cristus (Matth. iij.) der hebt die agst
auff/wil den boum abhanen. Er schleicht wye der dyeb
in der nacht. Math. xxv. Luce. xiiij. vñ. xix. Marci. xiiij.
Nun will ich dir auffdeyne wercken antwurtē/du byst
auch ein werck haylig/vnnnd seelmörder/daz erkenn ich
an dir. Teu. Nain ich/ich glaub allain von gott.

Mar. Ja warlich glaubstu von got/vñ nit in got.
Zum ersten/wil ich dich fragen/was haist güte. Teu
fel. Wenn ich einem etwas güts thū. Mar. Nun
merck ein güte werck/wirt darüb güte genent/dz es nicht
mir allain/sonder dem/dem es geschicht nüglich vnnnd
hilflich sey istts war. Teufel Ja du sagst hier recht
Mar. Also sollen all vnser werck dahin reichen/daz
sy vnserm büß güte/nüglich vñ hilflich seyen/als Chri
stus vns gethon hat/dß sich vns mit allen seinen gütern
geben/vnd wir vns im wider durch den glawben zū ay
gen geben.vnd mit der lieb vnd wolthūnung vnserm
nechsten. In dem steckt kürzlich das Chrystlich leben/
wann wir vnserm nechsten wolthūn/so seyend alle gesetzz
erfüllet. Teu. Warinnen gib ich mich den meynem

nechsten/mit welchen wercken/das sag mir Mart.
Die werck die du deynē nechsten thun solt/haben kaynē
namen. Aber mit allē vnserm vermügen (wie sych Cry-
stus vns/mit allain mit fastē/betē/sonder gar gegeben)
seind mir schuldig vnserm nechsten. Ja auch vnser lebē
für in setzen/was er wil/das ichs wil/vnnd was ich wil
das ers will/das seynd rechte gute gebotne werck von
Christo/die myessen wyr halten/ annderst das lebenn
wirt in vns nit sein. Teufel. Ja wer thut das.

Mar. Ja es ligt an got vnser vermügc (ij. Corin. ij.)
steet vnd kumpt in vnd auß got. Da seyn vnnsers herr-
gots junc hern mit jrer vermaledeyüg kōmen/dieleüt
auff die werck gedüngen mit gewalt/hie erkent mā wol
wer diser leer ein meister ist/aber Cristus der senffmüt-
tig künig/thut nit also (Mat. xx. Marci. xj. Luce. xix.
vnd. x. Jte Pau. zün Rōm. viij.) sonder sy het an dz du
schwach vñ verwundt bist/cregt dich inn den stal/ward
dein/spricht dir fräntlich zū/lerde dich senffmütig dye
rechten warheit vnd werck/gibt dir zeit das du es lernē
solt. Also soltē wir auch thun/die schwachē frēntlich
vnderrichten/vñ nit mit dem bañ darzū treiben ja man
solt dir ein breyten kirdreck auf den bañ setzē/zū eren dē
bañmeister. Darauß ist kōmen/das yederman hat mit
güten wercken wellen faren/vnd niemant thut die rech-
ten gute werck/dz ist mein klag/was hilfft meinē nechst-
en/das ich alle tag hundert liechtlich verprent/waz hat
mein nechster darvon/das ich alle tag in der kirdchilig/
wallen lauff/das ich vil klōster baw/schmier die wānd
mit öl gōge/trag ein grüne/blawe/weisse/grane/schw-
arze kuttē/wz hilfft in orgeln vnd singē/gleich so vyl
als wān ich ein stain nām vnd verwurff den weyt/vnd
mein armer brüder der recht tēpel leidt da haim/hat dz
brot nit zū essen/die kynder müssen panē propter deum

schreyen/dz vnser Bapst mit seinē Cameln thierē gar
niet betrachte/schlechts füll die tāschen/vns armen hats
dem gelt auß dem beützel geholffen/Wätter hyn väter
her/es hats Ambrosius/Anthonius/odder frum va-
ter Franciscus gemacht/so hab ich hie daz wort vñ got
dem muß ich mer folgen/Ich stee in seyner gewaldt/er
hat mich erlöset/vnd der keiner nit/Ja die fromen apo-
stel gots begerē es nitt/du hast vernomen wz Crislliche
werck seind/hiesihestu vnd kanst eyn Larz mercken/dz
des Bapsts werck allain dahin gericht seind/dz sy dem
der sy thut allain sollen nutz sein/ist aber erlogen/wan
das recht/so wer Christus ein vnmechtiger got/das er
vmb des Bapsts willen nie sein wurd. Teüf. Ich
weyß nicht/du sagst vnd schwägest wie du lang gethon
hast/du geüßte auß dein giffte über die menschen/wie dye
giffte der Pestilenz ward über David vnd sein volck. ij.
Reg. xxiiij. außgegossen/vnnd dunckt doch yederman
süß vnd güte/aber ist mit giffte vermischt/es ist mein für-
bringen vmb sunst gewest/aber hie mit will ich meynes
werbung ein roum gemacht habē/da hab ich bald ver-
merckt wie ich besteen wurde. Martti. Ich mercke
dein mainung wol/ich weiß wol das dir vnd deinen pa-
pistischen haus die warheit nit schmeckt/aber ligt nicht
daran/man muß ye meer dauon reden/ye seer jr darwid-
robt/ye seer man euch zu widerdies sagē solt/Emser
Geck/Lemp/vñ die Katzen murren vnd brümen seer ge-
nüglsam darwider/aber sy schlaffen/ob got wil/nichts
args. Ich hoff das in einer viertel stundt zu thun/dich
in deinen wortten zūfahen/gott verleyhe allain gnad.
Teüf. Das würstu mit deinem geschweß nit enden/
ich het dir noch mer articel für geworffen/aber du stest
auff deynem fürnemen wie zu Wurmba vnd Leypsick.
Martti. Ich wolt gern wissen wie du hießest/vnd von

wänen du gesandt werest/dz du mich also hart entsätze
hast. Teu. Ich haiff Agaros. Marti Was ist
das für ein namen. Teu. Ich sag dir bey vnser ge
waldt/das ich cyn fürstlicher Notarius auß der Helle
bin/vnd wil dir yersagen ein grosse botschafft/die vns
teüfeln allē beschwerlich. War D got biß mir gene
dig/so soll mir der teufel nit schaden/wie kōm ich zu dy
sem spil/das die teufel zu mir kōmen. Nun got gedencē
mein/erbarē dich mein/meine feind haben mych vmb/
gebē/vnd ire münd wider mich aufgethon/wie Psalm.
xxxix. Psal. xl. steet. Ich befylch mych dir/erlöse mych
vō disen grossen wassern. Aber wie kumstu also hereyn
gegangen du arger teufel/in eins prediger münchs kut
ten/ist sy frūmer oder arger dan meine/wie hastu mich
betrogen. Ich mein ich habs gerochen das du der teu
fel seyest/dan mir ja selzam gedancē für kamē/vñ ich
dich für einen seel mōder nennet. Teuse. Du hast
mich für war für keinen rechtē menschen angesehen du
solt dich meiner gestalt nit verwundern/waystu nit/dz
wir zu den münchē des ordens wallen gegangen seynd/
vnser heimliche verieterey durch sy zu wegē bracht/als
zu Bern/wie auß wa mer/wie du villeycht wol waist
Aber sy habē vns gleich erkant/als Tobias (Tob. ix)
den engel erkant/der mit seinē sun wandert. Ich wyll
dir noch selzam vngehōrte ding sagen/aber ich wil dir
vor die werbung/so ich von wegen aller teufel ann dych
bringen soll fürlegen in vier stücken/vnnd darnach myt
einem beschlus/welych vnser beschwerung ist. Erstlich
so hōr/was ich dir fürgebē würd/darauf soltu mir dein
mainung kützlich beschliessen.

Die Teufelische werbung an Martinū Luther.

Vnd zum ersten/so soll ich dir aller teufel vñ papistū
vngreüß sagen. War. D wie gern hōrich das dye

teufel wider mich / du sagst mir der Papisten vngriß so
hö: ich wol / teufel vñ papisten oder Romanistē / seynd
in einē bund / das sein mir für war newe zeytung / werist
aber der obrest feld hauptman. Teufel. Esseynd
zwen pfaß / Emser vnd Ectius / die andern die werden
mit der zeyt auch dran müssen. War. Essey Gott
befolhen. Ten. Ich will fort faren mit meinē für
bringē / so soltu wissen dz dir k̄ ain teufel / noch gaisliche
zū Rom das maiste tail hold seyn / darumb das du vns
teufeln schadest in der helle / dem Bapst in seyner schatz
kammer / den pfaßen vnd münchen in k̄uchē / in k̄eller / vñ
wer vns besser gewesen / du werest nit gepoin worden / in
dem das du vns das gaislich recht gar verwürffst / vñ
sagst es sey auff gelt vñ zertretung der mēschen gerycht
dz sol das fürnemst vnd der erst articel sein. Marti.
Nu wacht auff pfaßen vnd münch / Edel oder vned-
el / Baur oder burger / gebt Gott die eer vñnd glorien /
das er mit seinem wort die gnad gethon / vnd zū wegen
bracht / das sein wort / teufeln in hell. Pfaßen / münch
en vnd bapst / in irer gelt gruben schadenthut / du arger
zeruucter Christlichis glaubens / dz ist gottes art / das er
denen / die seinem wort wider seind / grossenschadē thut
psal. xxxvj. Ja sy vor der warheit gantz blind macht
wie yezus offenbar. Ja jr k̄uchē wirt die leg noch dür-
rer werdē / die stacionierer seind schier hungers gestorbe
Nu sag fort / ich wil dir argē teufel rom gebē / es schad
ins bapsts k̄uchen oder himel / so geet Gottes wort fort
dem mag niemant widersteen. Teufel Zūm andin
so thüstu wider vnser verbüntnis das du dem applaß
vnd wallū verwürffst / vnd treibst die mēschen darvon /
niemant löset ain ablas mer / dz geedt vns als ab / hast
du zū bedencken / das wir vnsern m̄glichē fleyß fürwen-
den / dich vnd die andern von disem glauben zūbringen

aber du bist der bestendigkeit/die flaisch vnd blüt doch
mit haben noch begreyffen kan. Ich wolt gern wyssen/
wa durch du so bestendig seyst/die weyl du weder nach
teufel/tod/sünd noch hell fragst/vnd haltest garnichts
daruon. Mar. Dem getreuzigten fromen Chry-
sto seind alle ding möglich/aber vns menschen vnmög-
lich. Math. xij. Marci. ix. Da bey bleibs. Teufel.
Ist gut. Nun zum dritten/so verwürffstu auch münch
leben/vnd dubist dennoch selber ein Mönch/es lobte
doch ein yeder gern sein stand/vnd neißts gleyßnerey/
falsch erdycht leben/vnd machst das sy her auß lauffen
nemen weyber vnd arbayten/vñ seydt du erstandn bist/
so wellen vns die münch nicht gut thun. Man muß dir
ein mal den rüß ziehen/vnd spannen wie die Aposteln
Es ist besser du sterbest/dan das all Mönch vnd pfaf-
fen vns deynet willen soltten nodt leyden. Zum vierd-
ten so verwürffstu vns auch die haimlich becht/sagst
es sey erlogen geweest/vnd man hab vil menschen dar-
durch zum teufel geführt. zc. Ich syhe dz es alles verlorē
ist/darüb wil ich gāz auß dē Secret redē vnd schweigen
Du verwirffst vnns vnser groß vnd haimlich recht den
aplas/münch leben vnd bechten/dise stuck seynd son-
derlich vnser besten pfründen geweest/vnser ampt wirt
nun gar ernidert/wir wellen schier vnsern einschneidn
vnd boten/den Anthoniern/Valentiniern/Spiritus-
sanctern. zc. vrlaub geben/sy künden schier nichts mer
sāmlen/sy überredē den zu zeyten ein bewerlein oder ein
alte mütter/Wir haben den besten müt in faistn priori
bus gehabt/sy seind vnser schmaltz gewesen/wir haben
damit geschickt/sy habē wenig gearbayt vñ seind faist
worden/vnser getrewetinder gewesen/jr lebē hat vns
sonfft gethon/sy haben vns alle ding zu wegen bracht/
wir haben auß inen geredt/wie Gott durch die eselne

Balaams. Num. xxij. Ir fels auff die Kapen vñ irem
vater gesetzt/darein vertraut/wie Sennacherib in sey-
ner gewalt Esai. xxxvij. vñ. iij. Reg. xvij. Mart.
O frommer got wie seind mir das bossen/du hast ein re-
chte beicht gethon/du müst geen Komzyehen/ich kann
dich nit absoluerē. Teu. Ja also will ich im thun
mein weg von stund an gen Kom wenden/vnd meine
Kinder besuchen. Nun hie wil ich beschliessen/wiltu vñ
disem predigen absten/so soltu ein grosser herz werden/
ein Cardinals hür erlangen/dein aigen Curtison vnd
knecht haben/wiltu den contract annemen/so sag mirs
kürzlich/die münch vnd der bapst/seind des mytt vnns
einig/so sag mir darauff dein gemüt/deine wort welln
mir sunst die leng zu starck sein. Mar. O herz Gott
in ewigkeit/erhalt hie vor disem deinē seynd Martinū
Luther/deinē vnwürdigen knecht/du syhest in wzfertig
kreyt ich stee/vñ vom teufel vnggeben bin. Ich vermags
nit/kans auch nit/du bist allain mein saluator. Marti-
ne Martine halt fest/du herz hafst also wellen haben
Job. j. psalm. cxij. Es hat dir gefallē/also ifts auch be-
schehen/deinē namen sey all eer vnd glo:yen von ewig-
keit zu ewigkeit Amen. Du arger betrieger der mēschen
dein gewalt soll nicks sein/got ist ein künig der eerē/vñ
ist ein gewaltiger got/psal. cxliij. Esai. v. Du Chryst-
licher seind vñ Sathanas/wie komstu auff den weg dz
du die Mūnch vnd gaislichen also gar schendest/vnd
dir die gölich gschriffte also wol geschmeckt hat/du hast
allen standt der Gayslichen verradten. Numeri. xxij.
xxij. vnd xiiij. Teufel. Wir gschicht gleych wie Ba-
laam/der maledeyen solt/vnnd gebenedeyt/Also solt
ich die gaislichen vnser geträwen benedeyt haben/so
hab ich sy maledeyt/mein zung hat sych gar vmbkärde/
glaub warlich/wan du nit kōmē werest/vnd die gais-

lichen also reformiert herest/wir wolte solche nit gesagt
haben. Tu ist es alzu offenbar wordē/darū hilfft kein
schweygē. Mar. Glaub gēzlich ich hab nit offen
bart/es ist ein anderer der steet vnder dem volck/aber
man kēdt in nicht/wer hat solch ding vor mer hören sa
gen/got du hast heüt dein heil beweist. Teufel.

Ly was sagstu lang/antwort nur. Mar. Ich wil
dir kurz mein mainig sagē/du gibst mir schuld/ich ver
wirff dir das geistlich recht/ablas/Wünich leben/vnd
die beycht/so sag ich also/Das Decret die weyles yeder
man mit gewalt vnd grosser mach verdamen wyll/da
hilfft kein gnad nit/darūb. verspot vnd verspey ichs du
hast vor gehōrt/Tit. iij. man soll mit dē Christē senffte
mütig vmbgeen/wie vns Christus thut/nicht mit den
haren zum Bapstlichen Decret vnd glauben ziehē/dar
aus ist kōmen/das man mēschliche gepot über gottes
gepot gezogen vnd gesart hat/Got vnder die band ge
stossen/den Bapst für got fürchten müssen/ists nit war
du hast selber angezaigt/Ir thün sey falsch. Teuf.

Ja hie kan ich nit für über. Marti. Der halben
so ist das Decret widerchristlich/das ist wider Christum
Sy habens schier dahin bracht/das Christus hat dem
Bapst die fuß müssen küssen. Teufel. Es ist vnns
güt/recht/gewesen lieber Martine. Martinus Ich
halts dar für wie du sagst/aber got wil selber einē schaf
skal vnd ein hirtē machen/Johan. v. Selig werden dye
schaff sein/die sein stimm gehōrt haben. Teufel. D
Bapst du lieber sun/wa wirt hie dein apostolica salus
oder benedictio bleyben/es will die drüß gewynnen.

Mar. Du sagst für war recht. Nun soit/dē ablas be
melden/verwürf ich darumb/das man vil aber glaubē
damit aufgericht hat/hie hat d̄ Bapst gesagt/wer aplat
lös der th̄i besser dan der seinem nechsten das almissen

gibt/der mit in seinen letzten nöte ist. Nun got in deiner
maiestät/sol das nit einen yetlichen Christen erbarnē/
solt man nit eedem brüder vnd nechsten helfen/dann
wen er in seinen letzten nöten ist/so wurd keinem gehol-
fen/was wer dz gesagt/wa bleibt die lieb/sy wurde nye
so güt sein/als die lieb vñ vnuernüfftigen thyer/vñ glaub
harret nit so lang/sonder so bald gottes gnad vnd sein
glaub ist den menschen gegossen wirt/so bald geüßt der
glaub wider/es in lauter klar versürung mit dem ap-
las sy wellen vnns den hymel mit applas auffschliessen/sy
schliessen den himel zü/vnd den Bapstlichen hymel dye
hellen auff. D jr frummen Cristen betrachten disñ spruch
des widerchristen zü Rom. Man hat vns vom Christ-
liche güten ap- las Cristo Jesu gar abgefürt. Wir send
vermessnen menschen gewesen/selbs wellen kochen/vnd
zuletzt das essen in dreck lassen fallen/also gets. Ten.

Ja lieber Martine es ist gereyt auß. Nuz laßt manñ
mit dē ap- las lösen vnd wallen geen wol an sich kōmen/
man dringt sich nit meer darüß. Nun wye soll man im
thün/die alten Tumbhern müssen noch die zehen bezä-
len/darinn wellen wir vnser müclin kühlen. Marti
Wolan vñ frum Cristus kan in wol seiner gnadñ glanz
vñ oben herab sendñ/ich bin nit seyn radtgeb geweest/
psal. cxxvij. Sein barmhertzigkeit ist vnendlich/er gybe
den gnad die in anruffen/vom ap- las syndestu gnüg in
meiner Sermon vom ap- las. Daz ich Wünnen leben
verwoyrt thün ich darüß/wie wol ich selbst ein Wünnch
bin/dz man darinn vertrawt hat/wie du sagst/vñ noch
darinn glaubt. Ja wer nit ein Wünnch ist gewesen/vñ hat
nit selig künde werde. Ist eytel versürung/man sol sich
in der narren werck kainñ verlassen/dan mann macht
got damit zü eynclugner/dz nemē nun etliche zü synne/
vernemē recht vñ geen herauß in dē Feliche stand/vnd

arbayten im weinberg / das ist recht vnd gut. Nun sihe
wa bapst / Cardinel / Bischoff / Pfaff / Mönch / nohen /
Glocken / mess / Vigilien / Kutten / Rappen / Blatte al-
le statut vnd regel / das gang gewürm vnd geschwürm
hin kumpt. Ja es zerget wie rauch / in sumā / wer in sein
werck vertrawet / der ist des teufels diener. Also hat mā
zum bauren gesagt. Tu labora / wir wollen die würffel
dz Bretspil / die Karten in die handd nemen / nym du den
Karst / du müst gaistlichen wol ernern. O betrug überbe-
trug. Von der beycht / das du euer beste pfündt nen-
nest / ist ja betrug vñ versürüg geweest. Weniglich hat
sich vor dē beychten gefürcht / da hatt der teufel sein spyl
angericht / mit vns mēschen / Matt. am. xviii. syndest du
die monier wie man gebeycht hat / wer sich Got für ey-
nen sūnder angibt / seiner gnadn begert / sich gar auf in
ergibt / den altē Adam tödtet / das fleysch vndertrüctt
der hat genüg gethon. Also hat der selbygn Cristus vil
absoluiert / die zu keinē pfaffen nye kōmen seinnd. Also
haben die Apostel auch absoluiert / got ist getrew vñ ge-
recht vns vnserē sūnd zū uergebē / sagt Johānes. Vom
beychten syndest du gnüg gschubn. Teu. Haha ha
lieber Martin ich müß lachen / wiewol es mir nit lecher-
lich ist. Mar. Was lachst du feynd der frommen
Cristen. Teu. Ich lach dz wir die gaystlichen also
feyn gefürt habē vnd betrogen. O Martine hör auf du
hast mir alzu hōte wort gesagt / wiltu aber dē cōtract
annemen / gūnstig herin soltu erlangen. Mar. Sa-
thanas weych vō mir / gottes war wort wil nit vñ gelt
verkauffe vnd übergeben werden / deiner bit gib ich nyt
stat / du hast vorhin gehōrt / dz ich nit darū da bin / gots
wort vmb ein Cardinals hūt zū übergeben. Neyn Got
das soll nit sein / Wie erschrickstu also du Eūgelischer
feynd. Teu. Darumb das du meiner bytt nit wylt

roum geben/deinewort dietempffen mich gar/ich muß
daruon/der frid sey mitte dir Martine. Mar. Wz
frydes wünscht du mir du arger teufel. Teufel. Es
ist der frid den ich gib meinen jügeren/allso gekreuzigte
den selbigen auch gab seinen jungern zün Römer. xiiij.

Mar. Ha ha ha/das seind mir gute schwend/So
hör ich wol dein junger vñ Christi junger sein cynmüt-
tig vnder gleychem frid. Teufel. Du kanst ja dan-
noche nit anderst sagñ/dañ das vnfrid nit frid sey. Ist
nun frid das du machest:das wil ich einē yeklichen ver-
nünfftigen man vnteyl lassen. Deiner leer halbē zandte
man in allen heüßern/der wil auf d̄ Papisten seytn seyn
der ander auf deiner seyten/die Papisten wa die allein
bey ainander seind/da ist frid/ist aber einer auff deiner
seyten vnder in/da ist vnfrid vnd wyrt wunder vnd ja-
mer. Ich muß dir noch etwas fürlegen/ich wil anchein
wenig auff der geistlichen seyten sein/du waißest fryd ist
ain zaichen der gerechten menschen. Math. v. Nun sag
mir/ob dein rott meer fridsamer sey dann der papisten
rott/der vnfrid erzaygt sich mer an deinē anhang/dañ
an des Paps/ dz gib ich dir auff zū raten lieber Mar-
tin Luther/Got spricht ye/selig seind die fridsamen. zc
Math. v. Du zweifel zū angeigig/dz vnseelig seind dye
vnfridsamen/haist man das frid/so man zandtet/So
haist dz weiß schwarz/vñ dz krum schlecht. Marti.

Das kan mir ein Sophistisch argument sein/in d̄ du
schülmeister bist/aber sag mir warñ du der frid so wol
schmeckt. Ten. Ich merck wol wa du hinanf wilt
dein mainung ist/ich muß nichts güts lieb haben/aussz
welchē du beschliessen wilt/der frid der mir behagt muß
auch nit gut/sonder böß sein/hie hab ich dich schon ge-
fangen. Mar. Gefangen das wer ye mit gut/doch
sag wie hastu mich gefangen. Teufel Das wyl ich

dir frey sagen. Du verspotest vñ verdamnest so hoch al-
les distinguiren in der hailigen schrift/vñ sprichst/Es
sey ein Sophisten stuck/vnd du chüst yetz selbst/das du
so hoch hassst in den andern/dan also wiltu raylen vñ
distinguiren/den frid in einē bösen frid den ich lieb hab/
vnd in eynē güten frid den ich hasse. Mar. War-
lich dz hast erraten/rat mer. Ten. Wie kan aber
frid böß sein. Mart. Als demütigkeit/gehorsam-
keit/warheit/frümmkeit/gerechtigkeit/heiligkeit/trew/
glaub/lieb/vñ andere tugent künden böß sein/also kan
frid auch böß sein. D gesel/weystu so wenig darüb. Tu
zum ersten vom frid/macht Christus selbs einen vnder-
scheid/dan er spricht Johan. viij. Ich gib euch meinen
frid/nit als in die welt gibt/sy he hie distinguiert Chrüs-
darüb distinguiert ich auch/ aber dein schüler vnd schül-
kinder die sophisten/welln nit distinguiieren/da dye ge-
schrift distinguiert/da aber die schryfft nit distinguiert
da wellen sy distinguiern/darwider hab ich geschryben
darbey wil ich lassen. Was bedunckt dich vom fryd da
Christus sagt Math. x. Ich bin nit kōmen zu sennden
dē frid/sonder das schwert. Es war ein bößer fryd den
Adam nit brechē wolt/als in seyn Eraw anfacht mit
der verboten frucht/diser frid gesyel dir auch wol. Gen
ij. Also wañ die wirkung der yrrung hat iren sūrgang
vnd die theur erkauften selen mit hauffen getrybē wer-
den zu ewiger verdammuß/hye hassst du den vn fryd/
der schaff hund gegen den wolffen/hye erzeygst du alle
deine hailigkeit in manigfeltigē tugeden/den du magst
hie nit leyden das übel redē vñ stürmen/hye lobest du dye
gehorsamkeit gegen der oberkeit/hie geselt dir güttigkeit
oder demütigkeit. Aber du verheltest vns/woye du myt
allem disem/Cristū vnd alle seine hailgen hie machest/
zu dem grōßē übelheter der ye auf erdñ kōmen ist/dan


welcher hat glöblicher wider alle dise deine tugendt ge-
halten dan Cristus/vñ ist in disen lastern (dein tugent
den zugege) so verstockt/das er on zweyfel noch stürme
wirt/mit vnsern bischoffen (so er yetz auf erden gieng)
als er gestürmt hat mit den bischoffen der Judñ/ als
so er die Juden nennet kinder des teufels/ Johan. viij
als sy sich neneten kinder Abrahe/ seind jr kinder Abra-
he (sagt er) so thünd auch die werck Abrahe. So nu die
Bischoff sprechen/sy seind nach kōmen der Apposteln/
on zweyfel er wirt sprechen/seyt jr nach kōmen der Apo-
steln/so thüt auch die werck d'Apistel/jr seyt nachkom-
mē des teufels/wie du vor selber gsagt hast/des ampts
jr auch pflaget mit seel verderben. Teufel. Ey ey/
wa wiltu dahyn/du schonest doch kaines/bedarffstu dz
redē so ichs hör/was thüstu dan wañ ich nit bey dir bin/
mein zung hat sich widerüb gewändt/ich muß dir noch
ein wenig widerpart haltē. Mar. Du böser seynd
wzleidt mir an deiner vergiffen zungen/zün Rōmern
an. viij. So got mit mir. wirstu mir nit schaden/deyn
warten vnd auff sehen sol mir ob got will vmb eyn hār
lin nit schaden. Ich mayn ich hab mich des genügk
vermercken lassen wider deine anfang/hab ich in nit ge-
troffen/so kum er herwider. Teu. Was gewynne
stu aber mit deynem bochen vnd scharren/waz richte stu
damit auß? Marti. Das wil ich dir sagen züm be-
schlus. Zümersten gewynne ich dran ein güt frölich ge-
wissen/so ich widerspich deiner teuflischē Wirkung vñ
jr nit verwillig/vnd richt darnach darneben auß vil war-
nung der menschen/das sy deinen betrug erlernen vnd
erkennen mügen/so bochñ die Bischoff vnd geistlichen
toll vñ töricht darüber werdē. Züm andern so gewin ich
daran souil/das ich erkenne die krafft vnd beschirmüg
die got seine dienern erzaiht/vnd richt darneben auß/


dz sich alle toll vñ wütend köpff an mir herab lauffen/
vñ zū lezt genügsam roum lassen müssen dem Euange-
lio Cristi/ wie gefelde dir die Treyden /du arglistiger teuf-
fel. Teuf. Wolan wie sol ich im thun. Mar. Dy-
se new zeyttung sag ich gleich deinen kyndern. In dem
verschwand der Teufel von Martino hinweg. Marti-
nus aber danckt Gott das er in so ein arme verflüchte
creatur also in seinem glauben erhaltēhet. Bittet Got
mit einem andechtigen gepet /damit bapfflicher munde
Martinum Luther den frommen nicht verschlynde/
dem sey auch ewigs lob /in ewigkait zū ewigkait. Amē.


Sequencia in laudem resurgentis Cristi
per Lutheranos.

Iuictas Martini laudes intonēt Crīstiant.
Sparsis reduxit oues ad Christum aberian-
tes reconciliauit peccatores.
Fortis viri libellos oppressere Tyrāni dux vi-
te Martinus regnat vnius.
Dic nobis Martine veray iuste et pie doctrinam Chri-
sti viuentis et gloriā passim resurgentis.
Angelicos testes / Paulum Euangelistas surrexit Cry-
stus spes mea / Romam auersans vt Gomorreā.
Credendum est magis soli Martino veraci / quam Pa-
pistarum turbe fallaci.
Scimus Christum reuixisse per Martinum vere / tunc
bis illum deus tuere / Alleluia.

[Faint, mirrored text from the reverse side of the page, appearing as bleed-through. The text is largely illegible due to fading and the presence of scribbles.]







Stadtbibliothek Worms



03150240

